

KODAK Color Control Patches  
© The Tiffen Company, 2000  
LICENSED PRODUCT




畫家參考圖  
武夷山名勝圖繪  
完

ル 5  
1556


















第一曲






第二曲











第四曲





第五曲













第八曲




鼓樓岩





第九曲









武夷

武夷山人徐表然德均甫纂輯

序紀

邑人孫世昌登雲甫厠梓

武夷自漢遣使祠祀止設壇墀唐天寶間始即  
洲渚中建觀迨南唐後主李璟為其弟李良佐  
勅建今址山中之琳宮玄刹咸有碑碣自兵燹  
之後無復孑遺聊錄其一二俾覽者知其所自  
始云

圖繪

武夷之山磅礴一百餘里萬壑千崖森峙林列



毋論顯名勝地即一丘一壑之間前後左右各  
自為景各據其勝春則琪花絢日夏則萬木含  
陰秋則瑤空一碧冬則木落水枯嵯岬稜削若  
月之夜萬山閒寂儼在玻璃世界雪則壘瓊凸  
玉冰壑參差至於雨幕煙蒙又若未分時意象  
迨其霽也旭彩暎射則丹炫碧耀俄頃間變幻  
萬狀豈描繪所能貌其萬一哉而表顧圖之何  
益山川勝槩亘古不磨者其常也風雨晦冥之  
倏異者則變也即其常以察其變在覽者自會  
之遊者自得之而已首圖武夷全景次圖宮左諸  
勝又次自一曲以至九曲每曲各為一圖共圖十  
一諸題詠各附其後



○萬年宮左諸勝

九井岩 在水簾洞之左近鷄蘇坂洞穴可居岩上  
石竇九口渾然天成泉味甘冽異於他處

烏石 在武夷溪北下有李真人丹基

水簾洞 在武夷山北丹霞嶂之左石壁高聳綿亘  
數十丈倚岩為屋不施片瓦而雨露不沾岩上有  
水自頂瀉下隨風飄洒踈密不定溟濛聯絡長如  
簾垂瑟瑟然聲清洞府倏忽變態不一一名唐瞿  
洞天內有○清微洞真觀乃宋道人江成真所創

嘉靖間道人王廣仙成坐化遺蛻尚存先賢劉甫  
嘗讀書於此曾記昔有聯云石室雲窗見大地山  
河三千世界水簾風捲露半天樓閣十二欄杆又  
聯云今古晴簷終日雨春花秋月一簾珠亦足以  
隳括洞中之勝崖上有石刻云

劉岳卿幾叔招胡希聖朱仲晦梁文叔吳茂實  
蔡季通馮作肅陳君謨饒廷老任伯起來遊淳  
熙辛丑七月二十三日仲晦書

丹霞嶂 在水簾之右色丹赤雄峙如城綿亘層疊



長數萬丈而高稱之

翠竹窠 在水簾東北由鳥道入深塢內復平曠修竹刺桐交翠

劉官寨 在水簾之北宋劉衡與其子甫嘗集義兵於此禦寇以衛鄉井邑人義之表其所曰劉官寨紫嶺峰 在火焰峯之左右色青紫其頂有路可達山北諸處

火焰峯 在水簾之右高聳如飈焰綠水簾洞外澗谷中入有徑可涉其巔上有庵基二三處

玉柱峯 與火焰峰相對圓直莖潔高數千尺宛如削成

鷹嘴岩 在火焰西直聳高竇頂復尖曲如鷹嘴狀

葛香林 在天心庵後禾黍環匝竹樹森列望之鬱然猶濠濮間云

天心峯 在火焰峯之右象鼻岩之左三峯屈曲毗連如心字焉其地幽邃曠夷人迹罕到仍當洞天之心下有天心庵

杜葛岩 在天心峯東北其巔可遠眺城市相傳有



杜氏葛氏隱此山隈其累石為門尚存又傳為姓  
杜名葛者昔糾鄉兵於此以禦山寇故名杜葛寨  
又云窅然為絕塵之境僅啟一竇以通門徑不容  
車馬之往來故曰杜轄岩由石門進不數武懸崖  
嵌空風雨不侵乃高真燕集之都名曰會仙是為  
下洞由茲登躡石蹬盤折鳥道縈紆名曰小有是  
為上洞中建呂仙亭因石為龕以安仙像又有樓  
三間中祠玉皇諸真傍植雲水樓傍夾蝸室是為  
靜園其炊爨處鑄曰飛霞岩明浦城吳中立僑隱

於此扁其庵曰養恬下有觀化臺

葫蘆石

在天心峯側兩層上尖下圓狀如葫蘆

象鼻岩

在馬頭岩之左其巔有石貼岩頭直垂而  
下狀若象鼻

雪花岩

在鐵郎寨左以巖巔皚々潔白故名

鐵郎寨

在馬頭岩西舊傳葉豆二寇掠崇時駐衆

石鼓舖忽見天兵自武夷來遂駭愕霄遁避寇山  
中者多于此聞鉄馬金戈之聲因築室以祠護法  
諸神故名



馬頭岩 在三姑石之北高拔昂首狀如騰驤下有

永樂庵

凝雲庵

在馬頭岩下從換骨岩紆曲以入中夷曠

可田茂林修竹環匝左右桃杏梅桂次第迭開雖  
秋冬若夏春時陰慶初道士張德恩重葺樓宇築  
窩於庵右額曰息機景物熙然人謂之小蓬蒿

馬鞍岩

在馬頭岩之右昂藏披拂狀若跨鞍

道者石

在三姑左二石垂肩相依如寒山拾得狀

三姑石

在幔亭峰側三石森立並秀

蘭湯渡

在三姑石下遊人自東北來者由此入宮

北斗峰

在三姑石後七峯相連如斗

排峰岩

在換骨岩左輪囷如龕又名靈龕

換骨岩

在幔亭峰北岩高千仞上有石凸出舊記

謂群仙來此換骨道書云李仙者嘗於天台注名  
武夷換骨穴竅中猶有仙斂數函廬山仙人羅公  
得寶印玄文於斯岩半有石室方廣六七丈可容  
百餘人內一小穴有泉七孔清冽不竭名曰七星  
井人匍匐以手探取嚙之可以愈疾 又岩下石



澗中高流下衝隱々作雷轟聲有潭深不可測相傳有龍居焉天每將雨則雲氣先自中起山人候之以占晴雨名曰龍潭崖上有刻石二

其一

建寧太守無畏居士胡師文敬造武夷換骨仙岩紹興乙亥十二月張其王華國同來幕賓王用尉石景元俊後至

其二

政和丁酉古豐李景來貳府事此期俯仰因過武

夷遊換骨岩瞻禮聖跡久之漫書一絕以紀其實區々三載抗塵顏拙直無由脫謗謔今日捫蘿叩仙室願將凡骨換雲岩庚子六月十二日

白雲庄 在換骨岩側四面俱高山崖峻壁入石門半里許忽復平曠有丹井石臺道院遺址又名白雲深處

漢祀臺 在幔亭峰左一石盤陀方正廣數十丈渾然天成不假琢削漢武帝嘗遣使禱祠于此下有常清庵萬春庵



幔亭峯 與大王峰相去百餘丈其高稍亞之頂復  
平曠皆仙人故址又名鉄佛嶂上有宴仙壇々前  
有巨石如香鼎者尚存舊記云秦始皇二年八月  
十五日玉帝與太姥為武夷君魏王子騫輩置酒  
會鄉人於峰頂召男女二千餘人皆呼為曾孫架  
虹橋令鄉人跨空魚貫而上頂結綵屋數百間以  
宴曾孫設位張樂極其款厚酒行畢命歌師歌以  
人間可哀之曲々云天上久別今會合踈稀日落  
西山兮夕鳥歸飛百年一餉兮志與願違天宮咫尺

尺兮恨不相隨歌罷綵雲四合環珮車馬之音浮  
空而至聞空中云玉皇太姥與曾孫別可再拜速  
去既下俄而風雨暴至虹橋倏尔斷絕田顧山頂  
寂無一物因名為幔亭焉其橋板飛掉諸岩隙間  
有直而若柱笏者有倒垂而若懸筋者有如朱拱  
如丹楹如雕欄者自秦迄今風雨摧蝕不朽不墮  
常有雲氣伏其中 唐明皇嘗遣使祈禱峰下有

石刻云

大唐天寶七載歲舍戊子七月封名山大川登仕



即顏行之記凡二十四字此石舊在萬年宮首門外同亭湖畔後湖陷石墮水中

宴仙壇 在幔亭峰頂空曠坦平為仙人會宴之所

雲龍道院 在幔亭峯下乃彭祖所居舊址明光祿

卿陳洙重建顏曰一水草廬

萬年宮左諸勝 并題

世之水陸從遊者顛自宮右溯流而上窮至九曲而輿盡矣若夫宮左諸景多置弗問故特圖以補之

○一曲諸勝

問津亭 在九曲溪口與上流滙合處名山前渡初入武夷之路往來待渡者多憇於此

會真廟 即同 在大王峰之麓祀魏真君及從神潘遇

初鄉人以幔亭之宴得與仙真同會初祠山下曰

同亭每歲上元日聿修祀事政和四年賜以今額

廟之後有○徐仙樓萬曆己丑旱魃為災邑侯林

公一煥自大王峰之東壁迎其遺蛻禱雨獲應遂

建斯樓以祀之廟左右○仙宮廟



仙真廟 在會真廟之右南唐寶天間建奉武夷仙諸  
冲佑萬年宮 在大王峰下先名武夷觀漢設壇墀

唐始為屋明皇天寶間即洲渚荆建偽閩增飾殿  
宇南唐李後主弟諱良佐訪道居武夷後主勅有  
司為之弘荆移建今址賜會仙為額宋咸平間太  
宗御書冲佑二字為額祥符元符紹興間俱賜田  
增修元賜璽書護持蠲免糧差天曆間改觀為宮  
加萬年二字 國朝仍改為觀正統四年燬于田  
祿修葺未幾旋遭寇厄嘉靖四年復建首門扁曰

武夷山二門扁曰昇真玄化洞天門內稍北為○  
望仙橋之北為三門扁曰勅賜冲佑萬年宮三門  
內為○漢祀亭之北為○拜章臺之北為○三清  
殿之後為○賓雲亭之後為○玉皇閣之下祀十  
三仙閣東有○方池清泉不溢不涸閣後為○法  
堂之後為方丈正殿立

天子萬年牌扁每歲中秋日羽流建醮仰祝  
聖壽靈長 輿圖鞏固民物乂安山川共久是宮也  
南唐以來歷代殊恩弘其居而復與之錢賜之田



而又蠲其稅俾清修之徒有所賴藉故宜其世守之也續住持者典入豪右萬曆元年邑侯朱公璉追復前田一千五百石本宮立有復田祠并記宮之內舊有○持正院○中和院○清隱院○止善院○賓雲院○存正院○靜蘆堂○橘隱堂○觀妙堂○存心堂○觀復堂○靜隱堂○清虛堂○真隱堂○深靜堂○歲寒軒○竹間軒皆養素棲真之所宮之壁題作盛多內蕭公廩云宇宙間有此山奇矣然一元混沌之氣得無刻露太盡乎

崇安有此山誠壯觀矣而數十里疲困之民為之奔走靡寧不為不苦也余此行凡心未淨世套尚拘既不能達觀鴻濛未判之初又不能盡却將迎諸役之累良可愧也聊題宮壁將以質之見麓蔡子宮之左右有○鄒東郭祠即大雲寺故址○王恩質祠○羅念庵祠○宗方城祠○王陽明祠以其泉郭鄒公荆川唐公配扁曰國朝理○文昌樓○龍井二其一在宮門前之左其內方一在宮門前之右沙泥氣稟茶色味俱美歲旱鄉人禱取以歸輒有靈應



一曲書院

賢祠

在萬年宮右祀清獻趙公文定胡

公屏山劉公紫陽朱公立田以供祀事

大王峯

在萬年宮後拔地萬仞矗立雲表上銑下

歛峭壁斗削頂分二級其陽縱裂一罅長數百丈  
昔魏王子騫與張湛等十三人隱於此峰登者自  
止々庵後循小徑踰飛翠亭逶迤而上直抵峰下  
石罅間架梯而上緣崖逕外踰數十武有石室名  
○張仙岩即真人張垓坐化之所萬曆間侍御楊  
公四知造鉄柵圍之室旁有石方正石左樹長梯

騰空而上有磚卷城門乃子騫輩所築也入門稍  
坦從梯而上々有○昇真觀々前為○天鑑池清  
冷瑩徹映浴星漢廣微天師書寒碧二字刻於石  
此為峰之下級也與上級相夾之縫相去約三尺  
許窪而成洞即○投龍洞是也洞口直下垂綆數  
百丈始及泉宋嘗遣使投金龍玉簡於中自下級  
攀藤拔篠而渡上級遵小徑詰曲而入猶梯而升  
直達絕頂其巔平曠古木合抱蒼鬱葱蒨多產檜  
栢松竹芝草蘭蕙桃李菓實異於常品上有○禮



斗壇一名通天臺嘉靖丁巳方伯趙公維垣創小  
宇于中今廢峰之腰有○昇真洞即仙蛻岩可坐  
十數人洞中有雷紋甃甌五以盛仙人蛻骨其一  
置石窖窖口狹束不可出洞口有黃心木縱橫為  
棧險而不墜久而不壞又有四船相覆以盛仙函  
半枕於洞船皆圓木剗成仙函二十有餘空者數  
函知人傳言昔取仙蛻禱雨作新函易之仍返其  
舊干故處及取則仙蛻盡入於舊函中而新函空  
矣又有穴橫插雙木為橋々之西壁別開一罅中

有香鑪藥瓶之屬又東之半石室為○徐仙岩徐  
熙春真人留蛻其中萬曆間以旱迎下祈雨遂干  
會真廟後建樓崇奉峰之西壁崖紋皴裂處皓然  
儼如繪鶴曰○仙鶴巖

登仙石 在大王峰下昔控鶴仙人駐馭於此

僊羊石 在大王峰西大小六七成群若初平叱立  
之狀

望鶴臺 在止々庵後與仙鶴岩相對一名禪岩  
修真壇 迺魏王子騫等禱雨遇控鶴仙人之所



獅子峰 在本曲溪南其形蹲踞昂首狀如獅子

大小觀音石 在本曲溪南二峰對峙巔微戴土草

木蒼鬱藤蘿垂蔓有若普門大士寶冠纓絡之狀

鯉魚石 在本曲溪水中如游鯉躍波之狀

本曲崖上有刻石三

其一 福建提李副使朱衡將之蜀携乃諸生遊久

早霖雨沛下山峰如濯景物鮮明時皇明嘉靖

甲辰六月四日

其二 隆慶元年三月望後殷從儉自浙來遊武

夷沂流謁紫陽書院愛其岩壑幽勝不殊越中

徘徊久之時

天子新政民物熙皞草木鳥獸咸若斯遊也道逢運

泰情與景會殆有餘樂焉因書以識歲月

其三 戚繼光題曰大丈夫既南靖島夷便當北

平胡虜黃冠布絕還期到此



○二曲諸勝

止々庵 秦太姥并十三仙修煉之所晉婁師鍾唐薛邴李磨鏡李鉄笛李陶真皆於此修煉成功而去後遂荒圯宋詹美中重建延白玉蟾居之蟾為記其事

復古庵 在止々庵右舊為修真壇內有白玉蟾丹天基元金堊庵繼隱于此虞集題扁今廢

兜鍪峰 一名塊擔石一名賭婦石前高後下形如武甬西北有穴內藏一舟俗又名閣船岩

常庵 在本曲溪南兜鍪峰下與止々庵相對宋道籙江師隆際遇理宗止錢塘潮湧御書常庵二字賜之仍勅建州守臣為建堂樓為順真所後遂藏劍干斯

九峰書院 在兜鍪峯左祀文肅蔡公沉也初公從朱夫子遊嘗于虎嘯峰下構南山書堂歲久堂圯正德乙亥先生十世孫珙請于當道即咏歸堂故址重建扁曰九峰書院繼而代巡周公文儀給官田為歲祀之需仍編門子一名今移入縣舊李右



邑侯虞公之力也

水光石 一名晴川石在本曲溪北石壁題刻頗多  
有宋開禧丁卯趙師岩書鑄九曲溪三字倒影溪  
中澄波相映上有溪光亭

仙猿岩 在水光石後曾有仙猿啼其上

鉄板嶂 在大王峰右石色蒼黑剝削如板盤據環  
迴長數百丈而高稱之從梯而上頂有菴數椽  
書室連雲瀑布飛泉四時不竭

翰墨石 在鉄板嶂後與小藏峰相對半壁有長石

赤一片如墨粘於壁間下有石川三孔狀如田子名  
田々獻墨上有瓊瑤亭

儒巾石 在鉄板嶂前水涯幾若儒巾

玉女峯 三石差肩挺立其色紅潤有姝麗之態絕  
頂花卉參簇若鬟髻然峰下前賢題刻甚多名題  
詩岩

粧鏡臺 在玉女峰前石面相向如粧鏡之狀旁刻  
鏡臺二字峰勢迴轉形如勒馬又名 勒馬峰

三髻峰 粧鏡臺之後三峯森秀若髻



仙冠石 在玉女峰下水中宛如道冠

方印石 水中有石方正如印

虎鼻石 溪水濱有石仰吸如虎鼻狀

凌霄峰 玉女峯右巖巒尖銳高挿霄漢

虎嘯岩 在玉女峰南草木叢茂四壁峭立昔有真

人跨虎嘯于其上故名頂有崇真庵從梯而上下

有南山書堂歲久傾圮近修真者鼎建庵宇于故

址

赤岩 虎嘯岩右有雲寮為女道士修煉之所

○三曲諸勝

攬石峰 在虎嘯峯之南兩石攬結高聳東邊岩縫

中壘石疊梯而上絕頂寬平葱鬱昔人棲隱基址  
猶存

水樂石 在本曲溪中水石衝激有金石絲竹之韻

三杯石 水中有石平正如砥可坐數十人

小葺峰 在本曲溪南高聳峻拔峭壁間豁開一穴

其中挿木度板望之如櫛及黃心木函葺十三仙  
鮫骨于中又有小船二隻架于橫木之上歲久不



壞仍曰○仙船岩蓋武夷僊船有七大王峰之昇  
真洞四艇兜鑿峰一艇此峯二艇也萬曆丁巳夏  
一夕此峯忽墜一艇聲震遠邇所貯遺殖之藎蕪  
悉皆糜碎好事者爭取船木鑄以為珮嗅之微有  
香氣咸莫辨其為何木也

仙機岩 在小巖峰背峭壁間一穴內有物儼然如  
機杼狀

舞雪臺 在一線天左邑侯諸葛廷瑞嘗乘雪登此  
故名

靈岩 一線天 在本曲之右從二曲行七里許兩岩相  
倚長數百丈中分一罅窺見光名○一線天又名  
一字天下為三洞其一在深風從一線中出晝夜  
不絕石刻風洞二字宋景定元年春建安省齋翁  
徐自強書風洞之內洞名○伏羲洞之前為○五  
老峰其谷口崖上刻靈岩二字內有觀音閣○葛  
仙館○陽明游祠洞右有側徑僅容一人側足而  
上可至絕頂上平曠約里許名飛鳥臺崖下有穴  
石窪生成濶方尺深數寸底無泉眼岩溜滴注四



時不竭水自澆研中注下成池昔有仙人浴其中  
名○僊浴池又名聖水井又有○樓閣岩○藍岩  
下有石門如關隘然中有 石刻二

其一

梅山劉褒道士鄭德建詹德成張道臻淳熙壬寅  
三月五日来道過詹元鼎父子俱遊捧硯吳元泰  
其二

紹定甲寅夏閏乙未後山翁泳蔡公亮瑤田詹復  
同遊九曲邂逅園田詹然干大隱屏下相拉觀一

字天之勝然之第炤載酒來會引觴命酌誦朱夫  
子神斧之章慨然有感援筆賦詩題名而歸公亮  
書然鑄石

大面岩 與靈岩相近

三才峰 在一線天之南三峰排立有飛泉石門之

勝

僊學堂 在本曲溪北巒壑環繞石室中石几石榻

布列蓋僊家翰墨之館又名仙館岩上有漱玉泉  
漱藝山房



○四曲諸勝

大藏峰

峭壁千仞下臨深淵壁間洞穴數處中有

石器員者如筓方者如篔亦有如杵如盤者又藏  
仙斂一十六函歲旱鄉民每求仙斂以祈雨編竹  
為繩懸梯歷險而上取而禱之其應如響遂返仙  
函於故處本宮歷傳有魏王子騫仙顯道士盛以  
石函彩帕百襲觀者駭其色紅白枯潤以卜休咎  
嘉靖戊午代巡嚴科樊公命道士亦送於本峰洞  
中恐為後人惑也峰之半壁有穴外隘中寬木篠

縱橫如鷄栖狀名○金鷄洞又名○鷄窠岩昔人  
嘗聞鷄鳴於此故名洞背有○希賀堂乃宋樞密  
陳升之建嘉靖戊戌夏申巡臺李元陽遊大藏峰  
次日忽見洞中新來一物如香鑪狀丹朱燁々約  
方六七尺相顧駭愕洞在二十仞之上下臨不測  
之淵一宿之頃伊誰置之信神物云又萬曆丁丑  
三月鄉民張富郎者年八十餘冒險入金鷄之上  
洞至則見數人斲睡香灰內傍有銅磬伏地富郎  
翻而視之磬下一鷄遽展翼鼓扇香灰煙塵滿洞



不能張目倉惶俯伏半餉稍息亟下風雨暴至人皆以為神異云峰之壁有石刻一

淳祐二年六月二十三日宛陵饒虎臣來遊是日也溪風欽雨山雲澄靄朝猶一曲溯流而上暮宿五曲草堂而歸

卧龍潭 即大藏峰下空洞淵澄莫可底止人語棹聲輒相響應相傳有神物潛于此

宴仙岩 在大藏峰頂與仙釣臺相對時有仙鶴鳴於上又名鳴鶴岩

超真亭 在大藏峰南近有羽流即故址結茆菴于

其中

仙史館 在本曲之陰

上昇峯 在昇日峯右其色青紫相傳張真君于此上昇

昇日峰 在車錢岩側晨旭照映金光閃爍下有○金光石後即○金井澗茆茨竹篔多隱者之居

車錢岩 上有白玉蟾丹竈舊記云昔聖姥鞭牛車載錢於此



僊釣臺

與大藏峰相對懸崖深穴俗呼為真武洞外狹內寬中有仙蛇三函又有鼉龜數枚形制未精朴取仙蛇禱雨者常躋險至其中

拜章臺

在本曲溪北頂上平坦方正有一石如香

會仙岩

在昇日峰側方正可坐群仙時會於此

仙床石

與金鷄洞相對在洲渚石室下

其七

咸淳戊辰年三司奉朝旨鼎建武夷書院開山職教者蓮湯夏氏之孫牛鳳

其二

至元後庚辰春浦城達魯花赤孛羅同崇安邑史林錫翁奉上司命造茶題

其三

至元庚寅之春劍南毋逢辰修葺建院董役者趙必祉安天民熊木詹光祖彭文甫書

山亭宋侍郎劉瓊建今廢有石刻三



小九曲 在溪水中內有石竇委蛇曲折凡九遊艇  
可盤迴旋繞其間旁鑄小九曲三字朱文公筆  
試劍石 即小九曲中相傳控鶴仙人試劍於此石  
分為二希真岩在其上

雲岩 在李仙岩後中有石室可容百餘人乃詹法  
師驅巨蟒之所舊有雲岩庵

李仙岩 御茶園之後十布燈窩岩上有石龕李仙  
坐化於此真蛻尚存無筵可登

御茶園 製茶為貢自宋蔡襄始先是建州貢茶首

稱北苑龍團而武夷之茶名猶未著元設場官二  
員茶園南北五里各建一門總名曰御茶園大德  
己亥高平章之子久住創焙局于此中有○仁風  
門○碧雲橋○清神堂○焙芳亭○燕嘉亭○宜  
寂亭○浮光亭○思敬亭後俱廢惟○喊山臺乃  
元暗都喇建臺高五尺方一丈六尺臺上有亭名  
○喊泉亭旁有○通仙井歲修貢事

國朝著令 貢有定額九百九十九斤有先春探春次春三  
品視北苑為粗而氣味過之每歲驚鵲蟄有司率所



屬於臺上致祭畢令衆役鳴金擊鼓揚聲同喊曰  
茶發芽而井泉旋即漸滿其冽以此製茶異於常  
品造茶畢泉亦漸縮張邈過飲其泉曰不獨其茶  
之美亦此水之力也故名通仙名又呼來泉自後茶  
貢蠲免悉皆荒廢

潘侯故址

御茶園內一舍許越小山凹後其地稍  
夷曠開廓若奕枰然即潘遇居址也潘雖仙去而  
神靈尤存至元間草寇毛興八自南浦來欲止宿  
冲佑觀肆行劫掠臨晚至三姑市見洲渚間旗幟

皆潘字號兵衛劍戟森然寇退駐梅溪次早邑兵  
兩路分進一鼓擒之其寇首告人云本欲逃去見  
四山兵馬圍繞脚如束縛是以遭獲耳潘侯之顯  
赫也如此



○五曲諸勝

羅漢岩 以其頂秃骨露故名下有石室曰○羅漢

洞々頂即○鉄笛亭故址舊名○奪秀亭宋胡寅

與劉衡建為遊陟之所劉善吹鉄笛胡贈以詩有

更煩横鉄笛吹与衆仙聽之句劉沒亭廢朱文公

一日午客尋其故址俄有鉄笛聲發于林外悲壯

回鬱衆皆驚焉異文公因復作亭直以鉄笛名之廢

玉華岩 在隱屏比岩穴幽邃白石羅列玉光瑩然

故名中有玉華洞舊名○幽微碧玉洞天下有○

崇玄館

平林渡 在書院溪口丹壁青林雲樹連陰自是一

景遊轅往來者由此而渡

大隱屏 高峰峭拔夷上銑下方正如屏頂有道院

諸勝從接笋縁梯而上詳接笋下有朱文公精舍

院下及雲高等景

伏羲洞 在隱屏峰左洞中有石如列卦然

文公書院即隱屏精舍宋淳熙間朱文公卜築精舍于隱

屏之下与門人為講學之所內有○仁智堂○隱



求堂○止宿寮○觀善齋○塞棲館○石門塢○  
晚對亭○鉄笛亭○釣磯○茶竈石○魚艇諸景  
各有題詠後改稱書院至正間燬子兵我朝正統  
戊辰公八世孫洵澗復爲鼎建奉公之神以文肅  
黃公幹文節蔡公元定文簡劉公燭文忠真公德  
秀配正德間代巡周公文儀檄縣重葺規制視昔  
益宏特置祀田百畝以供祀事及修治費附主守  
者司之仍編門子一名

雲莊山房 宋劉公燭建今廢

上雲窩 在接笋峰腰鉄象岩上宋羽客陳丹樞

白玉蟾爲記其事右有水月亭今廢

下雲窩 在接笋峰下麓即幼溪草廬萬曆間長樂

少司馬陳省建內有○賓雲堂○研易樓○棲真

閣○聚樂洞○遲雲亭外有○停雲亭在溪邊石

崖上鑄石沿青蓮四字及問樵亭諸景

鉄象岩 在接笋下頑黑偃伏如象

石門 累石爲門穿窿倚險爲接笋之門戶進此有

仙九岐路坊額萬曆辛亥年建



撞冠石 在石門之內石上刻昇真元化之洞六大

字宋開禧壬寅建陽游九言書 又刻云 淳祐

九年季秋月圓後二日清源魏國表會稽呂秉南

偕山東彭永年雨中來

棘隱堂 在撞冠石前宋女真劉妙清劬白玉蟾為

之記今廢

仰止亭 在接筍梯下萬曆庚辰年建

接筍峯 狀如立筍中有痕三斷而復續上有亭院

仙蹤泉池竹樹琪花瑤草夾徑爭榮繡壁丹崖頂

刻變幻不一高數十仞連接三梯而上梯窮鑿石

為徑峭壁凸出名曰○鷄胸徑險莫躋因穿崖橫

貫鉄纜數尋登者從梯而上扞鉄纜面壁側行石

徑斷處復橫木為棧至一小亭曰○定心亭過此

一磴孤懸詰屈陡逼兩旁洞裂下俯萬丈名曰○

龍脊攀躋絕頂夷曠四達則為○隱屏真境○玄

元道院○仙奕亭別有○痴顛窩○棲霞所迺汪

麗陽劉古松棲真處也峰雖峭立削壁而其泉日

湧四時不竭亦天地間別一乾坤也 有刻石



嘉靖己未冬十月七日縉雲樊獻科梅園之暇偕  
督學使君宗臣訪汪劉二真人于大隱屏之巔獻  
科因題其居曰懷仙館名其泉曰仙掌露宗臣爲  
文記之獻科復書此志之

文峰

与隱屏相對壁立卓如文筆

晚對峯

与文公書院相對舊名紫石屏又名小隱  
屏宋劉建康嘗從文公游卜築於此峰之下以對  
書院名仰高堂文公因作晚對亭以向之遂更其  
名益以見道合心照

天柱峯

在晚對峰側峭拔特立如匠琢成昔魏王

子騫于此上昇下有○三鼓庵○迎綠亭今廢

更衣臺

在天柱峯右平正如几相傳子騫于此更

衣登天柱峰近構有崑石山房緣石磴從梯而上  
皆異卉奇花茂林脩竹天成一佳境也



○六曲諸勝

即官岩 在天游峯前

天游觀 即天游峰頂乃宋道士劉碧雲張希微建

法師張虔一棲真于此奏請敕賜今額永樂中道

人高景愚號弄丸子棲真其上續蔡藩叅霞山与

其徒味呆子結雲水交復擴其宇前為○一覽臺

○嘯臺後為○聚景亭侍郎程文德易其名曰妙

高臺峰頂有○天均亭楚刺史周思久建又有○

天 僊掌亭嘉靖中代巡樊獻科建山中靈構推此為

最九曲溪下環群峰四列中天積翠應接不暇登

者可於几案間坐攬其勝其後為○振衣岡之下

有○三友堂萬曆間學憲耿定力同蒲憲鄭邦福

李瑄建一覽臺東有石高下不等曰○蹊驅石觀

右有小澗從岩穴間曲折而來流遶山中四時不

涸相傳昔有胡麻飯從中流出名曰○胡麻澗及

下有碓可供搗即○瀑布泉之上流也下有○

仙浴池

仙掌峰 竈崖壁立有紋類人指掌者數處上有○



崇玄館登天遊者從崖壁下逶迤而上

仙遊館 舊名○晞真館宋劉屏山嘗携傳茂元詹

明誠遊有詩李伯紀稱武夷最佳處紹興末漁人

得石刻於巨浪中筆勢遒勁傍題子真書遂易以

仙遊今廢

石門岩 與響聲岩相對有石穹窿似門

清隱岩 在天遊峰下有洞四崖環夾烟靄不絕洞

門窄隘內境寬平多產茶視他處為佳因名○茶

洞內有○小隱堂○清真道院

三仰峰 在階石堂頂之左三峰聳拔斜挿比連若

舉首然中有洞曰○碧霄洞有丹井白玉蟾曾浴

丹于中井面作碧琉璃色岩穴軒豁高出半空脩

真者構屋其中凭欄可望數百里洞左鑿徑而上

下有○仙山庵

山當庵 在三仰峰壘石為門濬流為池有屋數椽

中祀十三仙上為樓以奉三清四峰環抱亦一勝區也

玉版岩 在階石堂左白石兀立狀若版焉

階石堂 在本曲之北古有石堂寺宋天聖二年二



月朔夜忽大風雷雨巖崩地陷僧果緣與鄉人詹立等皆罹伏壓之難惟僧居仁行者子明子雲獲免黎明鄉人至始見居仁坐於先師塔前李木下皆前致問而居仁方覺以熟寐而寤且嘆僧牒鑰在櫃中必沒於水鄉人方切駭視忽見文字一角浮于溪岸取而觀之乃居仁度牒也居仁語人曰是夕風雷大作良久聞有沙石敲擊屋瓦聲開戶視之忽覺其身如人掖去不省所之子明子雲亦言恍惚如人所掖且則皆在居仁之側莫知所以

然也 又云鼓樓岩舊有仙鮫又有一獸如山羊常遊食院側僧果緣詹立既燬仙鮫以為齒藥又捕山羊而食之以故咸及斯難其陷沒處石崖高疊相倚成門僅可容身門內有小澗橫石為砮水流石下步入其內地復平曠桑麻黍稷儼然一村落也以其類武陵之景故又名○小桃源內有○文簡公祠又石門內有一穴中藏銅佛像可見而不可取也

蒼屏峰 在溪北方正如屏下有道院



曹家石 在仙掌峰下溪水中相傳昔有曹姓者過此覆舟忽得此石兒溺若有神授因紀異焉

仙跡岩 在曲溪南上有二膝瘰傳為仙人跪太姥于此

響聲岩 在本曲溪南與仙掌峰相向岩中嵌空遊人笑語聲輒響應有刻石三

其一

何叔京朱仲晦連嵩卿蔡季通徐宋臣呂伯恭潘叔昌范伯崇張元善淳熙乙未五月二十日

其二

淳熙戊戌八月乙未劉彥集嶽卿純叟廖子晦朱仲晦來

其三

蔡杭自江左移憲浙東便道過家泛舟九曲積雨新霽山川呈秀哦咏而歸同游者謝元龍藍簡子蔡勳吳載詹復子公亮侍時淳祐己亥仲春

城高岩 在本曲溪南山形高峙盤亘數百餘丈儼然繚垣迤溪處可梯而登頂上夷曠四面壁立無



有容足中建庵宇二處清雅特勝松栢脩竹森々  
可愛也岩下之潭繞至石鼓渡宋端平甲午天申  
節奉旨建醮放生於此並禁捕魚名曰放生池

○七曲諸勝

將湖石 在北即岩後

北廊岩 在溪北盤旋聯屬如廊廡然

上水龜石 在北廊岩下溪中

天壺峰 在北廊岩頂峰巒環合中有道院峯絕壁

下清泉其美四時不竭天壺觀在其下

猫兒石 山巔有石卧伏如猫下有數石如鼠

人面石 大小二石相向狀如人面

桃源洞 在山背長嶺之左岩頂石洞為隱者棲焉



○八曲諸勝

鼓子峰

兩峰屹立有石如鼓石壁下倚崖為屋名

○石鼓道院上不覆瓦地勢復峻絕開豁九曲溪

山獻秀目前舟行自五曲望之已見岩室若遠在

天上絕頂有石穴蓋山中之高朗勝地也葉西澗

築室千麓名石鼓書院今廢峯之腰有○雲影池

吳公洞

在鼓子峰之南絕壁間天成一洞外隘中

寬可容數十人相傳吳公于此成道洞右小穴仙

斂猶存

猴藏岩

在鼓子峰前

百花庄

在猴藏岩下洲渚間四時花開爛熳不絕

鼓樓岩

上有石樓四楹窓櫺皆具周遭峭壁攀躋

莫及旁有爐鼎并仙斂數函岩下有水粼粼激石

而出時作

聲環澗皆桃樹春時飛花不斷曰

○桃花澗

鍾模岩

高數十丈圓如鍾形前有○翠虛庵又名

三鼓庵今廢

三教峰

三峰並峙下有二教庵樓閣弘敞鼎新特



盛

香爐石

在三教峰下方正如爐煙靄續紛如篆盤

鼎中

笋洲 在溪左有○麗澤堂故址宋提刑吳達建

棋盤石 三層峰左傳有仙人對奕于此

三層峯 鱗疊比群峯尤聳拔將雨則先陰翳將霽

則先開明土人因之以候雨暘

魚磻石 在溪之右

下水龜 在溪水中

綉縑石 石紋縷絡如卷縑之狀

海蚌石 在溪中一名懶控石

禪笠石 溪中有石圓狀如笠



○九曲諸勝

丘公岩 石室橫數十丈丘公于此脩煉仙去

寒岩 在玄都觀後有泉一泓流其左冬夏不竭少

宗伯黃公手書寒岩二字勒其上

靈峰 一名白雲岩奇聳高峙半壁綑縕旁有一穴

內藏小艇歲久不腐又有仙斁數函下有○寒岩

洞清陰蔽野六月如秋洞外有○靈峰玄都觀乃

元時里人余藥坡棄俗入道自以私囊創建初名

道院太守李真嶠奏請賜以今額趙子昂領旨書

扁歲久復圮成化十八年方士王道元重建

毛竹洞 在靈峰右岩壑幽邃遍生毛竹真人王通

脩煉于此

挨人石 毛竹洞外行者側身而過石或搖動若挨

人然

清微太和宮 在溪頭洲渚中元道士彭日隆開創

規模宏麗垂于冲祐中有○道紀堂○清虛堂○

凝雲閣○宜晚亭皆勝處也舊名○和陽道院嗣

漢三十八代天師留國公改署今名至 國朝永



樂十四年為洪水所漂今初○武夷山房萬曆間  
李憲徐匡嶽為見羅李公建

萬卷書樓

在曲之平川元詹景仁建

今廢

靜可書堂

在山之南元詹景韓建

今廢

聘君宅

在平川中元杜本築室於此移家居之

遂結○思孝齋○懷友軒為終隱計今皆鞠為丘

墟遊者徘徊於荒煙草莽之間為之悵悵而已

思紹堂

平川中杜聘君之孫杜圻建

張智記

儒林祠

溪之盡處元詹景仁建與杜本讀書其中

大小廩石

二石圓整如困狀在本曲溪濱元詹先

野隱居處常稱廩江之濱即其地也

齊雲峰

高插霄漢靜夜時見天燈上有○齊雲亭

下有○齊雲庵○聖者庵

香亭

近星村處

題識石

晉郭璞留識云黃岡降勢走飛龍鬱々蒼

蒼氣象雄兩水護田歸洞府諸峰羅列擁神宮林  
中猛虎橫安跡天外後猊對面崇玉佩霞衣千百  
衆萬年仙境似崆峒



霞洲 一名蝦尾洲々中雲確煙扉斷橋曲塢澹若

村墟

星村渡

即晦翁所謂桑麻雨露之墟也風馭雲槎


流連山中者輒於此沽酒市飲焉

馬月岩

九曲溪源發流於此

大小氣石 三石同體其因於其本則也





Handwritten text in the bottom right corner of the right page, possibly a signature or initials.



